



## JU "SPORTSKO - REKREACIONI CENTAR" TEŠANJ

Adresa: ul. Patriotske lige 57      Žiro računi:  
74260 Tešanj      BBI      1412010001458751  
E-mail: [jusrctes@bih.net.ba](mailto:jusrctes@bih.net.ba)      UNICREDIT BANKA      3385502203485650  
www.dvorana-tesanj.com  
Tel/fax: 032 651-500      IDbr.: 4218543010006      PDV: 218543010006

Broj: 02 - 92/24

Datum: 29. 04. 2024. godine

### IZVOD IZ ZAPISNIKA

Sa **šeste (6.)** sjednice Upravnog odbora JU „Sportsko-rekreacioni centar“ Tešanj, održane 29.04.2024. godine (ponedjeljak) u prostorijama Uprave, sa početkom u 16:15 sati.

Sjednici prisutni:

1. Adnan Lihčić – predsjednik
2. Almir Hodžić – član
3. Alema Jabandžić Deljković - član
4. Nusret Ogrić – direktor

### DNEVNI RED:

1. Usvajanje Zapisnika sa 5. sjednice Upravnog odbora.
2. Donošenje Odluke o 1. rebalansu budžeta JU SRC za 2024. godinu.
3. Izvještaj o provedenom ponovljenom javnom pozivu za prodaju rabljenih koševa.
4. Izvještaj sa 2. sastanka grupe predstavnika sportskih i kulturnih centara FBiH.
5. Donošenje odluke o isplati jednokratne novčane pomoći uposlenicima i direktoru JU SRC Tešanj.
6. Razno.

Nakon što je Predsjednik konstatovao da su ispunjeni svi uslovi za održavanje sjednice, otvorena je 6. sjednica Upravnog odbora.

#### AD. 1.

Članovi UO jednoglasno su usvojili izvod iz zapisnika sa 5. sjednice, koji je ranije dostavljen članovima UO.

#### AD. 2.

Predsjednik Upravnog odbora je prisutne upoznao sa potrebom donošenja odluke o 1. rebalansu budžeta. Direktor je pojasnio da Ustanova u partnerstvu sa Općinom realizuje ulaganja na Izletištu Kiseljak. U budžetu Općine za ovu namjenu su u 2024. godini predviđena sredstva u iznosu od 50.000 KM. Dinamika ulaganja se provodi tako što Općina izvrši transfer sredstava na račun JU SRC Tešanj, a Ustanova provodi nabavke za pojedinačne postupke. Do sada su provedeni postupci uređenja prostora iznad bazena, a u toku su nabavke za uređenje ljetne bašte, gdje je planiran novi montažni objekat. Također, planirani su radovi na rekonstrukciji rasvjete na poligonu Kiseljak i uređenje oko velikog bazena. Ova sredstva nisu planirana u prvobitno usvojenom planu budžeta JU SRC za 2024. godinu, te je predloženo da se doda ova stavka na području prihoda i rashoda.

Nakon rasprave Upravni odbor je jednoglasno donio odluku broj o 1. rebalansu budžeta za 2024. godinu.

#### AD. 3.

Pod ovom tačkom razmatran je izvještaj o provedenom ponovljenom javnom pozivu za prodaju rabljenih koševa. Direktor je shodno Odluci sa prethodne sjednice podnio izvještaj koji je njemu ranije dostavila Komisija za provođenje postupka licitacije. Komisija je konstatovala da u predviđenom roku ponovo nije pristigla niti jedna ponuda za prodaju koševa. Obzirom da je u međuvremenu stigao zahtjev Osnivača da se koševi iskoriste u dvorani Jelah, koja je u izgradnji, Upravni odbor je donio odluku da se obustavi postupak prodaje koševa.

#### AD. 4.

Direktor je prisutne upoznao sa nedavno održanim sastankom grupe predstavnika sportskih i kulturnih centara FBiH. Dana 22.04.2024. godine u Gradskoj areni „Husejin Smajlović“ Zenica, na inicijativu Nedima Talića održan je 2. po redu sastanak ove grupe. Na sastanku je razmatrano nekoliko pitanja, kao nastavak na inicijativu za formiranje Saveza sportskih i kulturnih centara FBiH. Predložen je nacrt statuta, a pristuni su informisani da je dogovoren sastanak sa Federalnim premijerom, na kojem će se razgovarati o statusu i položaju ustanova koje se bave sportom i kulturom. Predloženo je da se 31.05.2024. godine održi 1. Skupština saveza, na kojoj će se formirati radna tijela. Upravni odbor je primio k znanju ove informacije. Nakon diskusije jednoglasno je donešena Odluka o davanju saglasnosti direktoru JU SRC Tešanj za provođenje daljih aktivnosti za pristupanje Ustanove u Savez sportskih i kulturnih centara sa područja FBiH.

#### AD. 5.


Na 4. sjednici UO donešen je zaključak da će Ustanova isplatu jednokratne pomoći na osnovu Uredbe Vlade FBiH usklađivati sa Osnivačem. Upravni odbor je donio novu Odluku kojom se vrši isplata u iznosu od 400 KM uposlenicima i direktoru JU SRC Tešanj.

Predsjednik je zaključio sjednicu u 17:15 sati.

1. Članovima Upravnog odbora 1-3;
2. Direktor;
3. Općini;
3. Arhiva;

Predsjednik Upravnog odbora:



  
Adnan Lihic, dipl. ing. maš.